

- da odgovara za sve štete koje prouzrokuje nesavjesnim i nestručnim izvođenjem radova, te je dužan i financijski nadoknaditi svu tako nastalu štetu;
- izvođač radova je dužan sve otpatke i smeće koje nastanu tokom izvođenja radova iz ovog ugovora da odnese sa lokacije izvođenja radova i da obezbjedi skladišni prostor za materijal i opremu kao i da materijal i opremu zaštiti od krađe.

Član 12.

Izvođaču radova se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koje je angažovao Ugovorni organ, najmanje šest mjeseci po zaključenju istog.

VI OBAVEZE UGOVORNOG ORGANA

Član 13.

- (1) Obaveze Ugovorenog organa su da:
- a) preda dokumentaciju potrebnu za uvođenje Izvođača radova u posao,
 - b) uredno ovjere i plate izvedene radove na način predviđen ovim ugovorom.
- (2) Nadzorni organ vrši nadzor i kordinaciju tokom realizacije ugovorenih poslova u ime Ugovorenog organa i pravovremeno ukazuje na nedostatke u izvršenju posla.

Član 14.

- (1) Ugovorni organ će sa Izvođačem radova definirati potrebe rada tokom vikenda, rad po isteku radnog vremena i ograničeni pristup pojedinim prostorijama zgrade Ugovornog organa.
- (2) Ugovorni organ ima pravo da, u bilo koje vrijeme, izvrši svaku vrstu kontrole i provjere u pogledu izvođenja radova koji su predmet ovog ugovora, vrste, količine i kvalitete korištenog materijala i opreme kao i u vezi sa poštivanjem tenderske dokumentacije.

VII KONTROLA KVALITETA I KVANTITETA RADOVA I UGRAĐENOG MATERIJALA

Član 15.

- (1) Radovi utvrđeni ovim Ugovorom moraju biti kvalitetno izvedeni. Ugovorni organ putem Nadzornog organa ima pravo stručnog kontroliranja kvalitete izvršenih radova, a Izvođač je u obavezi kontrolu omogućiti.
- (2) Izvođač radova je dužan o svom trošku pribaviti sve potrebne ateste i mjerenja koji se odnose na izvedbu ugovorenih radova i ugrađenog materijala.
- (3) Izvođač treba da obezbjedi sve ateste, nacрте ili odgovarajuće prospekte i pisane upute o rukovanju i održavanju za sve materijale i opremu.

VIII NAKNADNI I NEPREDVIĐENI RADOVI

Član 16.

- (1) Izvođač radova ne može izvesti nepredviđene radove bez prethodne saglasnosti Ugovornog i nadzornog organa.
- (2) Nepredviđenim radovima u smislu stava (1) ovog člana smatraju se radovi koji su bili prijeko potrebni da bi se osigurala bezbjednost ili spriječio nastanak štete, a izazvani su izvanrednim neočekivanim događajima.
- (3) Izvođač radova je dužan o tim pojavama i poduzetim mjerama bez odgađanja izvijestiti Ugovorni organ i Nadzorni organ.
- (4) Izvođač može pristupiti izvođenju nepredviđenih radova samo nakon pismenog odobrenja od strane Ugovorenog organa. Nepredviđeni i ostali radovi, moraju biti upisani u građevinsku knjigu i građevinski dnevnik.